



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDICIAL

Komunikadu Imprensa
5 Feveiru 2013

Tribunál Distritál Baucau julga kazu abuzu seksuál hasoru ema ne'ebé iha inkapidade psíkika

Iha 30 Janeiru 2013 Tribunál Distritál Baucau hala'o julgamentu ba krime abuzu seksual hasoru vítima ne'ebé iha inkapidade psíkika.

Ministériu Públiku akuza katak iha 28 Novembru 2006 iha Suco Dilor, Sub Distritu Lacluta, Distritu Viqueque, mais ou menus iha tuku 8:00 kalan, arguidu na'in rua ho inisial AS no AB ho kondisaun lanu prátika aktu abuzu seksuál hasoru lezada ho inisial EL. Vítima ne'e iha kondisaun inkapidade psíkika.

Ministériu Públiku akuza arguidu sira kontra artigu 179 Kódigu Penál kona-ba abuzu seksuál ba ema ne'ebé labele reziste ho nia pena abstratu enter tinan 4 to'o 12 prizaun.

Iha akuzasaun Ministériu Publiku nian haktuir katak iha ema na'in haat mak rona lezada hakilar no sira ba fó hatene no polísia intervén kedas hodi lori arguidu na'in ida ba estasaun polísia. Arguidu ida seluk entrega an depois loron tuir mai.

Maski nune'e tribunál decide atu la rona depoimentu husi testemuña na'in 5 inklui lezada no membru polísia ne'ebé intervén ba kazu ne'e ho razaun katak arguidu na'in rua konfesa ona.

“Mezmu arguidu sira konfesa kona-ba faktus ne'ebé akontese maibé JSMP nafatin husu ba tribunál iha futuru, presija tau konsiderasaun hodi rona mos depoimentu husi lezada no testemuña seluk,” dehan Diretór JSMP Luis de Oliveira Sampaio.

Ministériu Públiku mos kontesta katak faktus la sufisiente entaun presiza rona depoimentu husi testemuña seluk. Tribunál suspende julgamentu hodi diskute ne'e maibe tribunál mantein nia desizaun katak faktus sufisiente no kontinua ba alegasaun finál.

Iha alegasaun finál, Ministériu Públiku nafatin husu ba tribunál hodi bele kondena arguidu nain 2 ne'ebé prátika abuzu seksuál hasoru vítima ne'ebé iha inkapidade psíkika.

Kazu ne'e rejista iha tribunál ho Númeru Prosesu: 156 C/2008/TDB. Dr. Antonio Fonseca, Dr. Jose Gonsalves, no Dra. Ana Varia Belo mak nu'udar juis koletivu ba kazu ne'e. Dr. Baltazar Ramos

reprezenta Ministériu Públiku no arguidu hetan defeza husi Dr. Gregorio Delima husi Defensoria Públiku no Dr. Gil Amaral Advogadu Estajiariu.

Julgamentu leitura akordaun sei halo iha 14 Feveireiru 2013 oras tuku 10.00 dadeer.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883